

Z A B I L J E Š K A

sa Četvrte sjednice Komisije/Povjerenstva za međunarodne veze, saradnju/suradnju i evropske/europske integracije, održane 28.01.2016. godine u prostorijama Saveza, sa početkom u 13,00 sati

Sjednici su prisustvovali: Ismar Alagić, Đuro Topić, Hazim Novalić (zamjena za Edis Dervišagić), Dragomir Lučić i Jasmin Šahmović (zamjena za Edin Behrić)
Opravdano odsutni: Srećko Mikulić, Sanid Zirak i Đenan Šarkinović
Neopravdano odsutni: Smiljan Vidić i Luka Čelan
Sjednici su prisustvovali i: Džemal Hodžić (Delegacija Evropske unije u BiH), Vesna Travljanin i Zlata Turkić (Savez)

Na sjednici je predložen i usvojen sljedeći

D N E V N I R E D

- 1. Usvajanje Zabilješke sa Treće sjednice Komisije**
- 2. Deklaracija Mreže asocijacija lokalnih vlasti jugoistočne Europe (NALAS) o suočavanju lokalne samouprave s utjecajem i izazovima izbjegličke krize u jugoistočnoj Europi**
- 3. Predstavljanje projekata koji se sprovode u saradnji sa međunarodnim organizacijama: GIZ/ORF i NALAS**
 - a) Prikupljanje podataka o čvrstom otpadu u jugoistočnoj Evropi (SWDC)
 - b) Upravljanje čvrstim otpadom u prekograničnim ruralnim i obalnim područjima regiona jugoistočne Evrope (SWMRCA)
 - c) Lokalni dužnosnici jugoistočne Evrope: vodstvo za promjenu (LLSEE)
 - d) Upravljanje imovinom za sektor vodosnabdijevanja i odvodnje u jugoistočnoj Evropi (AM).
- 4. Imenovanje predstavnika BiH u Zajednički monitoring komitet IPA II programa prekogranične saradnje Srbija-BiH 2014-2020**
- 5. Imenovanje predstavnika BiH u Zajednički monitoring komitet IPA trilateralnog programa prekogranične saradnje Hrvatska-BiH-Crna Gora 2014-2020**
- 6. Izvještaj sa Radionica na temu Priprema sektorskog planskog dokumenta IPA II**
- 7. Finansijski sporazum IPA 2014 državni program**
- 8. Poziv za podnošenje zahtjeva za mlade za učešće na Kongresu lokalnih i regionalnih vlasti 30. i 31. sjednice**
- 9. Tekuća pitanja**

Sjednicu je vodio Ismar Alagić, predsjednik Komisije

Predloženi Dnevni red usvojen je bez primjedbi.

1. Zabilješke sa Treće sjednice Komisije usvojena je bez primjedbi.

2. Vesna Travljanin je obavijestila prisutne da je Deklaracija Mreže asocijacija lokalnih vlasti jugoistočne Europe (NALAS) o suočavanju lokalne samouprave s utjecajem i izazovima izbjegličke krize u jugoistočnoj Europi donesena zbog činjenice što su općine Jugoistočne Evrope prve na udaru priljeva izbjeglica. Budući da se svakodnevni život odvija u lokalnim zajednicama, ova situacija pokazala je još jednom da su lokalne vlasti ključni dionici i kao takvi moraju biti uključeni u rasprave o rješavanju izbjegličke krize na svim nivoima - europskoj, regionalnoj i nacionalnoj.

Da bi se mogle nositi s krizom, nacionalne vlade i međunarodna zajednica moraju osigurati odgovarajuću podršku pogođenim općinama.

Uzimajući u obzir sve navedeno, Mreža asocijacija lokalnih vlasti jugoistočne Europe (NALAS), koja se sastoji od 16 asocijacija koje zastupaju 9.000 jedinica lokalne samouprave s više od 80 milijuna građana, apelira da nacionalne vlade, Europsku uniju, donatore i ostale relevantne aktere da poduzmu hitne mjere za rješavanje neposrednih i dugoročnih prioriteta

Nakon što je Komisija usvojila Deklaraciju, **zaključeno je:**

- **Deklaraciju uputiti Predsjedništvu Skupštine Saveza općina i gradova na razmatranje i usvajanje.**

3. O projektima koji se sprovode u saradnji sa međunarodnim organizacijama: GIZ/ORF i NALAS izvijestila je Zlata Turkić upozнала prisutne da su ovi projekti prezentirani na sjednici Komisije Skupštine saveza za imovinska pitanja, prostorno uređenje, stambeno-komunalne djelatnosti i zaštitu životnog okoliša.

a) Prikupljanje podataka o čvrstom otpadu u jugoistočnoj Evropi (SWDC)

Cilj ovog projekta je „Javna komunalna preduzeća i općine u Jugoistočnoj Europi imaju kapacitete da efikasnije razvijaju i koriste podatke o prikupljenom, tretiranom i odloženom komunalnom otpadu“. Projekat će biti realiziran kroz četiri komponente.

Savez općina i gradova FBiH, zajedno sa NALAS-om (mrežom asocijacija lokalnih vlasti jugoistočne Evrope) implementira projekat „Prikupljanja podataka o čvrstom otpadu u Jugoistočnoj Evropi“ uz podršku Njemačke agencija za međunarodni razvoj (GIZ) putem Otvorenog regionalnog fonda za modernizaciju općinskih/gradskih usluga (ORF MMS) i uz podršku Švicarske agencije za razvoj i saradnju (SDC).

Općine koje su uključene u projekat su **Cazin i Tešanj**.

b) Upravljanje čvrstim otpadom u prekograničnim ruralnim i obalnim područjima regiona jugoistočne Evrope (SWMRCA)

Opći cilj ovog projekta je „Poboljšati konceptualni i organizacijski okvir kada je u pitanju integrirano gospodarenje čvrstim otpadom u prekograničnim ruralnim i obalnim područjima Sjeverno-istočne Evrope“, a specifični cilj je: „Procijeniti i razviti sheme (modele) za integralno gospodarenje čvrstim

otpadom koje su okolišno efikasne i ekonomski pristupačne kako bi se smanjio negativni okolišni i ekonomski utjecaj neodgovarajućeg gospodarenja otpadom i podržao ekološki i socio-ekonomski razvitak prekograničnih ruralnih i obalnih područja u zemljama Sjeverno-istočne Evrope”

Iz Federacije BiH pilot općina na ovom projektu je **općina Neum**.

c) Lokalni dužnosnici jugoistočne Evrope: vodstvo za promjenu (LLSEE)

Cilj ovog projekta je „Poboljšanje kapaciteta upravljanja, rukovođenja i saradnje jedinica lokalne samouprave i isporučitelja vodnih usluga, s posebnim naglaskom na unaprjeđenje lokalnih službi i sposobnosti za apsorpiranje međunarodnih, finansijskih sredstava“.

Projekt će poticati razmjenu i širenje savremenih standarda upravljanja među lokalnim vlastima i komunalnim poduzećima u četiri pilot države (Bosna i Hercegovina, Makedonija, Srbija i Hrvatska).

Projekt provode Mreža udruženja lokalnih vlasti jugoistočne Europe (NALAS) i Njemačka razvojna agencija (ORF-MMS), u suradnji s partnerskim savezima lokalnih vlasti u uključenim zemljama: Savez i općina gradova FBIH, Savez opština i gradova Republike Srpske, Udruga gradova u RH, Udruga općina u RH, Savez gradova i opština Srbije, te Zajednica jedinica lokalne samouprave Republike Makedonije.

Iz Federacije BiH pilot općina na ovom projektu su **Novi Travnik i Kakanj**.

d) Upravljanje imovinom za sektor vodosnabdijevanja i odvodnje u jugoistočnoj Evropi (AM)

Cilj ovog projekta je „Podizanje svijesti upravljanja aktivom među donosiocima odluka u postizanju efikasnosti i transparentnosti u upravljanju vodama i sanitarnim infrastrukturama“

U prvoj fazi Projekta, lokalne zajednice koje su uzele učešće su: **Grad Zenica i Općina Kiseljak**. U drugoj fazi projekta uključena je Općina **Velika Kladuša**.

4. Ismar Alagić je upoznao prisutne o radu Zajedničkog monitoring komiteta i uvjetima koje je za ovo imenovanje potrebno. Članovi Komisije su predložili da se u ovo tijelo predlože Srećko Mikulić (Općina Grude) i Jasmin Šahmović (Općina Velika Kladuša). **Zaključeno je:**

- **Savez, prije imenovanja, treba konsultovati članove Komisije do 10.02.2016.godine.**

5. O imenovanju predstavnika BiH u Zajednički monitoring komitet IPA trilateralnog programa prekogranične saradnje Hrvatska-BiH-Crna Gora 2014-2020 članovi Komisije su donijeli **zaključak da se u ovo tijelo imenuju:**

- **Ismar Alagić, za člana i
Dragomir Lučić, za zamjenika člana.**

6. Članovi Komisije su, prihvatajući Izvještaj sa Radionica na temu Priprema sektorskog planskog dokumenta IPA II **zaključili:**

- **Iz Sektorsko strateškog dokumenta, koji će biti usvojen do polovine februara/veljače 2016.godine, treba što je moguće više namijenjenih sredstava proslijediti jedinicama**

lokalne samouptave.

7. O ovoj tački dnevnog reda prisutne je izvijestio Džemal Hodžić i istakao da su jedinice lokalne samouprave, od 2007.godine, od kada je počeo da se implementira IPA Program, sve više predmet interesovanja. Naveo je niz projekata Evropske unije koji će se implementirati u 2016.godini:

Naziv projekta	Implementator	Vrijednost projekta	Napomena
Podrska lokalnim partnerstvima u zapošljavanju	Medjunarodna organizacija rada (ILO)	4 miliona EUR-a	
Integrirani lokalni Razvoj	Razvojni program Ujedinjenih Nacija (UNDP)	6 miliona EUR-a	
Podrska malim i srednjim preduzecima	Njemacka Razvojna Agencija (GIZ)	9+4* miliona EUR-a	4 miliona EUR-a je od Njemačke Vlade

8. Članovi Komisije su upoznati sa Pozivom za podnošenje zahtjeva za mlade za učešće na Kongresu lokalnih i regionalnih vlasti 30. i 31. sjednice koji će se održati 22-24. marta/ožujka i 10-21. oktobra/listopada 2016. godine. **Zaključeno je:**

- **Ovaj poziv postaviti na web stranicu Saveza i tome obavijestiti jedinice lokalne samouprave.**

9. U okviru ove tačke nije bilo rasprave

Sjednica je završena u 14,55 sati.

Zapisnik sačinila: Zlata Turkić

Predsjednik Komisije
Dr. Ismar Alagić